

集古官印考證

集古官印攷卷十五

嘉定瞿中溶編輯

男樹鎬校刊

唐

觀陽縣印

右觀陽縣印據陸氏紹曾印本摹入其下注云銅印環鈕印上面有正書十字云開皇十六年十月五日造按隋書地理志觀陽屬東萊郡後周廢開皇十六年復又分置牟州大業初州廢中溶攷觀陽本漢縣後代皆相承有之唐書地理志萊州東萊郡雖無觀陽然其前登州東牟郡牟平縣注言武德四年以牟平黃置牟州六年以登州之觀陽隸萊州又於文登縣注言武德四年置登州以東萊郡之觀陽隸之六年析置清陽廓定二縣及州廢省清陽廓定以文登來屬然則

唐初亦有觀陽縣明矣至武德六年始析爲二縣改其名曰清陽廓定故唐志不列觀陽縣也自漢至隋官印皆小如私印篆用白文且人各一印佩而不用去官亦卽攜歸不似唐以後之流傳交替用爲官之文憑也予先見雞林道經略使印已爲之攷跋矣後見此印形制字文皆與彼印彷彿當爲唐初之縣印無疑據雞林道經略使印背並未有字可證唐時改叛官印尙無鑄印專司之職不勒年月於背與後代之制不同不學之徒見其背無款乃妄據隋志補刻開皇年月日耳

雞林道經略使之印

右雞林道經略使之印何君夢華以印本見示予意此爲唐印質之外舅錢少詹先生亦以爲然頃檢新唐書高宗本紀

上元元年二月壬午劉仁軌爲雞林道行軍大總管以伐新羅又東夷傳新羅龍朔元年法敏襲王以其國爲雞林州大都督府授法敏都督咸亨五年納高麗叛衆略百濟地守之帝怒詔削官爵以其弟右驍衛員外大將軍臨海郡公仁問爲新羅王自京師歸國詔劉仁軌爲雞林道大總管雞林道之名始見於此唐制邊防戍兵總名曰道道有大將一人曰大總管已而更曰大都督而沿邊則別置經略使以領之雞林道始設於上元元年則此印想卽其時所鑄也予所見宋元官印不下數十種而唐印則僅於范隋朱巨川兩誥身所摹得窺厓略今見此印如獲珍珠船矣

雲州節度使印

右雲州節度使印文多繆篆節度二字幾不可識予反覆推

求始悟而定之攷雲州乃古之雲中戰國時爲趙地武靈王置爲雲中郡據遼史地理志言西京唐貞觀十四年移雲中定襄縣於故北恒州開元十八年置爲雲中州天寶元年改雲中郡乾元元年曰雲州乾符三年大同軍節度使李國昌子克用爲雲中守捉使殺防禦使據州以聞僖宗赦克用以國昌爲大同軍防禦使不受命廣明元年李琢攻國昌國昌兵敗與克用奔北地黃巢入京師詔發代北軍尋赦國昌使討賊克用收京師功第一國昌封隴西郡王國昌卒克用取雲南旣而所向失利乃卑詞厚禮與太祖會於雲州之東城謀攻梁不果克用子存勗滅梁是爲唐莊宗同光三年復以雲州爲大同軍節度使晉高祖代唐以契丹有援立功割山前代北地爲賂大同來屬因建西京又攷新唐書僖宗紀書

乾符五年八月大同軍節度使李國昌陷岢嵐軍又書中和
元年四月敕李國昌及其子克用以討黃巢而方鎮表言乾
符五年升大同軍都防禦使爲節度使中和二年更大同節
度爲鴈門節度四年河東節度領雲蔚二州可知大同節度
使卽李國昌一人爲之後因其子守捉使克用叛降國昌仍
爲防禦使國昌不受命後又被攻敗而走印文曰雲州節度
使卽大同節度使也則此印之遺疑卽李國昌敗走所棄之
物故列於唐末宋史地理志云雲中府唐雲州大同軍節度
石晉以賂契丹號爲西京宣和三年始得雲中府武應朔蔚
奉聖海化儒嫣等州所謂山後九州也唐書地理志但言雲
州雲中郡開元十八年復置無乾元名雲州之文乃遺漏也
而歐陽忞輿地廣記則云貞觀十四年置雲州天寶元年曰

雲中郡升大同軍節度似皆非是丁酉七月吳江楊龍石澥以舊印本見貽不言背有年號款亦不識知今在何人處

行軍都統之印

右行軍都統之印據通州馮晏海

鵬

金石索摹入云泗水王

孝廉家榕所藏旁鐫武成二年行軍都統之印馮據唐書逆臣傳謂李希烈嘗僭號建元武成因定爲唐物予攷都統名官起於唐天寶末又希烈傳言德宗時進希烈南平郡王漢南北招討處置使又拜諸軍都統則於僭號建元後其軍中仍設都統之官亦可有之事惟唐印留傳於世甚少未見有鑿紀年款式者而攷以武成紀元始自六朝周世宗至唐李希烈之後又有蜀主王建於唐末亦以武成紀元至三年又攷行軍之稱乃帝王親征或帥臣奉朝命領兵開府方有其

名希烈既爲逆臣僭號後設官分職儼同帝王竊踞一方親自攻略不當有行軍之稱至王建於唐昭宗時雖拜永平軍節度使充行營諸軍都指揮使又其時唐署韋昭度爲行營招討使

蜀檣机云建發兵劍南昭度於城東置行府以建爲衙內都指揮使

顧彥朗爲行軍司馬又其後天復

中封建爲蜀王立行臺於成都似行營行臺即可稱行軍然至唐亡建元武成之後似亦不當有行軍之稱且其時並未見有都統名目也而攷金史言猛安之上置軍帥軍帥之上置萬戶萬戶之上置都統又言萬戶爲一副統兩副統爲一都統故金時都統之官最多元初亦有萬戶之官而予嘗見有行軍萬戶所印此印文有行軍二字之證又以所見金時都統等各印校之此印形制字文靡不相似竊疑此亦金時官印後人欲僞爲唐五代物乃補鑿年號款識以高其聲價

也惟因未見印文真蹟姑依馮說列於唐印之後以俟續爲攷定耳

步從弟式軍記

右印文曰步從弟式軍記見楊遵雅集古秦漢印譜案此印文與邊俱瘦而細其篆體疏散圓勁與宋以後之官印不類當是唐末五代時物予攷新唐書兵志言乾甯三年李茂貞再犯闕昭宗幸華州左右神策軍中尉劉季述王仲先以其兵千人廢帝幽之季述等誅昭宗召朱全忠入誅宦官宦官覺劫天子幸鳳翔全忠圍之歲餘天子乃誅中尉韓全誨等二十餘人以解梁兵乃還長安於是悉誅宦官而神策左右軍由此廢矣諸司悉歸尙書省郎官兩軍兵皆隸六軍而以崔允判六軍十二衛事六軍者左右龍武神武羽林其名存

而已自是軍司以宰相領及全忠歸留步騎萬人屯故兩軍以子有倫爲左右軍宿衛都指揮皆汴卒崔允乃奏六軍名存而兵亡非所以壯京師軍皆置步軍四將騎軍一將步將皆兵二百五十人騎將皆百人總六千六百人番上如故事乃令六軍諸衛副使京兆尹鄭元規立格募兵於市而全忠陰以汴人應之允罷以宰相裴樞判左三軍獨孤損判右三軍向所募士悉散去全忠亦兼判左右六軍十二衛及東遷唯小黃門打毯供奉十數人內園小兒五百人從至穀水又盡屠之易以汴人於是天子無一人之衛昭宗遇弑唐乃亡而攷昭宗紀天復元年二月裴樞爲戶部侍郎同中書門下平章事三年正月戊申殺左右神策軍護軍中尉韓全誨等壬子工部尙書崔允爲司空兼門下侍郎同中書門下平章

事甲子幸朱全忠軍庚午崔允及朱全忠殺中官七百餘人
辛未允判六軍十二衛事二月崔允爲司徒乙未清海軍節
度使裴樞爲門下侍郎同中書門下平章事十二月辛巳禮
部尙書獨孤損爲兵部侍郎同中書門下平章事天祐元年
正月乙巳崔允罷裴樞判左三軍事獨孤損判右三軍事己
酉朱全忠殺太子少傅崔允及京兆尹鄭元規等戊午全忠
遷唐都于洛陽二月戊寅次陝州朱全忠來朝三月丁未朱
全忠兼判左右神策及六軍諸衛事閏四月壬寅次穀水朱
全忠來朝甲辰至自西都八月壬寅全忠以兵犯宮門是夕
帝崩則此印文所謂步從第一軍者當是天復三年正月崔
允判六軍十二衛事時奏置六軍軍置步軍四將騎軍一將
之步將第一軍之記也是時倉卒權置已不及分將給印故

每軍但給步軍騎軍各一記以別之耳未幾朱梁篡唐時當亂離之際此印因遺失入土後代人於土中掘得乃流傳於世而爲楊氏收入譜中也集古印譜始於楊氏楊氏名遵雅字宗道元之浦城人也王常及顧從德編校之印藪厥初卽襲其名并載其譜之襄陰王沂京口兪希魯會稽唐愚士豫章揭法各敍及金華王禕贊番陽周伯琦題詞言之詳矣嘉慶初予在同里從內弟錢同人處見其譜一冊皆係朱印元本匆匆未及盡摹而此印及都統所短字印係後代大官印尤難得也其冊各印下皆無注釋有無背文年月款識皆不可知矣然此尙係元物爲古印譜之塵傳於世者不特楊宗道當時所見此印其存亡不可問卽欲再見其殘譜亦不易矣故爲詳攷而摹其文以表出之

拱聖下七都虞候朱記

右拱聖下七都虞候朱記背左右有正書款二行云端拱二年四月鑄中又一上字山左金石志云孔戶部

繼涵

曰都虞候

在京在外皆有之品秩尊卑不一惟殿前司爲最所稱三帥者都指揮使副都指揮使都虞候也都指揮使以節度使爲之副都指揮使以刺史以上充故元祐七年王巖叟言祖宗以來三帥不曾闕兩人若殿帥缺難于從以超補姚麟係殿前都虞候合升作步軍副都指揮使而馬步軍捧日天武左右廂等各有都指揮使每軍有都指揮使都虞候每指揮有指揮使副每都有軍使兵馬使十將將虞候承局押官此十都虞候蓋每軍之都虞候十之云者殆猶步軍之十將爾其曰拱聖兵志云乾德中選諸州縣兵送闕下立爲驍雄後改

驍猛雍熙中又改拱辰旋改拱聖此印背所鑄乃改拱聖之
後至政和四年詔殿前都指揮使在節度使上副都指揮使
在正任承宣使上殿前都虞候在正任防禦使上侍衛親軍
其馬軍都指揮使副在正任觀察使上馬軍都虞候在正任
防禦使之上步軍都指揮使副同馬軍都虞候而開封府都
虞候月給廿千六軍都虞候月給五千是其爲師爲校品秩
截然京外職同及諸軍將校給朱記其制長一寸七分廣一
寸六分中興以後亦長官曰印僚屬曰記而楊巨源傳倒用
合江司朱記亦卽其證矣中溶案宋太祖爲周世宗殿前司
都虞候故兵制有殿前司與侍衛司馬軍步軍爲三衙印文
篆書十都似是七都下七都蓋當時都皆有都指揮使副都
虞候見葉夢得石林燕語此分設拱聖虞候之名曰猶軍營

立指揮使其下別爲五都而壯勇舊止三指揮後增至七是也此印乃宋初官制爲史志所未詳可據以補史之闕略

勾當公事之印

右勾當公事之印山左金石志云舊藏曲阜顏教授崇禎家今

贈同里孔

廣興

翁檢討

樹培

曰宋史職官志勾當公事官二員以

朝官充掌分左右廂檢討定奪點檢覆驗估剝之事屬三司使元豐官制行罷三司使歸戶部廣韻去聲五十一候句注云句當也俗作勾攷太祖時曹武惠王平江南回榜文有云江南句當公事及建炎時以避高宗嫌諱改句當爲幹辦如宣撫使官屬有幹辦公事官是也据此則是官設于宋初至南渡後不復有句當之名此殆北宋初年之官歟中溶案今所見宋官印自太祖端拱以後背皆有鑄造年月至眞宗咸

平以後并有少府監字獨此印皆無之豈猶在端拱之前耶
勾當公事之印

右印文亦曰勾當公事之印大小亦相似而篆法較前爲古
而工整當亦宋初之物也而拓本背文有正隆六年八月汴
少府監造正書款細審字小而模胡又正隆乃金之紀元而
云汴少府監造與宋金印制皆不合必是近時不學之徒僞
添補鑿無疑

宋桂州憑由司新朱記

右宋桂州憑由司新朱記嘉興張叔未廷濟所藏背有正書
款右曰淳化元年左曰十一月鑄鼻鈕上有上字攷桂州本
唐舊名宋仍之隸廣南西路紹興三年以高宗潛邸升爲靜
江府宋史百官志言三司分置三使亦稱三部乃總國計貢

賦之職元豐官制行罷三司並歸戶部其屬有都理欠司及都憑由司都理欠司判司官一人以朝官充掌理在京及天下欠負官物之籍立限以促之都憑由司以判都理欠司官兼掌在京官物支破之事凡部支官物皆覆視無虛謬則印署而還之支乞復據數送勾而銷破之又言催驅司掌京城諸司庫務末帳京畿倉場庫務月帳憑由送勾及三部支訖內外奉祿之事又入內內侍省有合同憑由司監官二人掌禁宣索之物給其要驗凡特旨賜予皆具名數憑由付有司準給云云然州郡並無設立憑由司明文此必宋初沿五代舊制置此官故云新朱記不知去於何時史志未詳賴此印流傳始可攷見而知之蓋史之闕略者不少矣

歸遠弟弑指揮弟弑都朱記